

INUIT ATAQATIGIIT

Inatsisartuni



UPA 2017/110
Nuuk, 28.04.2017
Bendt B. Kristiansen

Angallatit nunatsinni talittarfinnut talinnerini avalattussanngornerinilu ilanngaaserisut misissuinerat pillugu nukittorsaasoqassappat pisariaqartitsineq, periarfissat pi-umasaqaatillu pillugit Naalakkersuisut nalunaarusioqqullugit kingusinnerpaamik UPA2018-imi saqqummiussassamik peqquneqarnissaannik Inatsisartut aalajangiiffigisassaattut siunnersuut

(Siumup ilaasortai)

Ikiaroorartumik ajornartorsiuteqarneq taassumalu kinguneri nunatsinni ajornartorsiutaapput imaannaanngittumik, taamaattumik ikiaroorartup inerteqqutaasup akiorniarnernani periutsit assigiinngittut atorlugit nunatsinnut eqqunneqattaaliortariaqarparput.

Ikiaroorartumik nunatsinnut eqqussuisartut killeqanngiusartumik nassaassarsiullaqqis-suseqartarpassippat, qularutigisinnaajunnaaqqavarpullu ikiaroorartup nunatsinnut eqqun-neqartartoq ilaatigut imaatigut aqqutit atorlugit eqqunneqartarmat, mannalu Siumup siun-nersuutaa nunatsinni umiarsualivinni ilanngaaserisut atorlugit nakkutilliinerup nukit-torsarneqarsinnaanera pissusissamisoorluinnartutut taasariaqarpoq.

Ilanngullugu eqqarsaatigisariaqarpoq imartatsinni nunattalu sineriaani nakkutilliineq anner-tusartariaqartortaaq, tusatsiagaannaajunnaarnikuuppummi angallatit angisuut, pingaartumik tingerlaataannallit nunatta sineriaa sinerusaarlugu aasat tamaasa angalasartut, ilaatigut kan-gerlunnut aalajangersimasunut uteqqiattarmata. Tamakku ilanngullugit ilanngaaserisunit nak-kutigineqartariaqalersut Inuit Ataqatigiit isumaqarpugut. Eqqarsarnaqaarmi sooq uteqqiattar-nerat, pinngortitap kusanassusaa kisiat pisarunangvivippaat, ernummatissaavoq nunatta pisu-ussutai uumaatsut, ujaqqat pinneraasiassatut suliarineqarsinnaasut immaqa annissorneqa-rusaarput nunatta pissarsissutiginnisaanik.

Siunnersuummi periarfissat assigiinngittut taakkartorneqartut itinerusumik oqaaseqarfiginngik-kaluarlugit periarfissatut tamaasa isigalugit suliaq aappassaanneerineqannginnarnani ataatsimi-italiamut susasaqartumut itinerusumik oqallisissanngorlugi suliasanngortinneqassasoq inassutigaarput.

Qujanaq